



Broj: UP1:01-50-2-3619-1/23
Sarajevo, 11.09.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu prijevoznika BIG SIM d. o. o. iz Kalesije za slobodu pristupa informacijama od 30. 8. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

RJEŠENJE **o slobodi pristupa informacijama**

Prijevozniku BIG SIM d. o. o. iz Kalesije odobrava se pristup informacijama po zahtjevu od 30. 8. 2023. godine.

O b r a z l o ž e n j e

Prevoznik BIG SIM d. o. o. iz Kalesije obratio se 30. 8. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup informacijama, odnosno: 1. *Uvid u evidencije INSPEKTORATA o kontrolama i poduzetim mjerama održavanja međunarodnih autobusnih linija koje održava prevoznik BOSNAEXPRES d.o.o., sa autobusne stanice u gradu Sarajevu;* 2. *Međunarodne autobusne linije su: 1) SARAJEVO-UUBUANA po dozvoli ministarstva 106/SLO-1, 2) SARAJEVO - UUBUANA po dozvoli ministarstva 107/SLO-1, 3) SARAJEVO-MIKLAVŽ po dozvoli ministarstva 111/SLO-l, 4) SARAJEVO-MIKLAVŽ po dozvoli ministarstva 63/SLO-l, 5) SARAJEVO-VELENJE po dozvoli ministarstva 112/SLO-l.*

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012.

godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku, informira se podnositelj zahtjeva da uvidom u evidenciju Inspektorata Ministarstva isti ne raspolaže traženim informacijama o kontrolama i poduzetim mjerama održavanja međunarodnih linija prijevoznika navedenih u zahtjevu za pristup informacijama sa navedenih autobusnih stanica.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLASTENJU MINISTRA
Sanja Škuletić-Malagić

Dostavljeno:

- BIG SIM d. o. o., Žrtava genocida u Srebrenici 29, 75430 Srebrenica;
- spis predmeta;
- a/a.